

საქ. ს. ხ.



135/2 N 322

სახალხო გაზეტი

საქართველო
წიგნების
კავშირი
საქართველო
საზოგადოებრივი
დაწესებულების
გაზეთის № 783
დაგეგმვის № 137
სამშაბათი, 25 დეკემბერი 1912 წ.



ქრისტე ავადმყოფთან. ნახატი კრამსკისა.

ნახტორი

სულო ჩემო! სულო ჩემო! ვის, ვის უნდა უყვარდე?
არ არსებობს სიყვარული მუდმივი, საუკუნო...
მაშ რას ელი? სულო ჩემო! შეხტი, შეინავარდე,
შეგიძლიან ყველას კარებს დაჰკრა, დაუკაკუნო!..

რას ყმაწვილობ?.. ყველას ტრფობა რატომ არ შეიძლება?..
ესთქვათ, თუ დღეს შენ—ყვავილთ შორის იას ეტრფილები
და ხვალე კი—ვითომ რატომ? ამით რა შეიცვლება,—
რომ ზამბახსაც ეაღერსო, დაუკოცნო თვალები?!..

ეხ, მეც მყავდა ერთი ვარდი!—ყვავდი უმანკოებას!..
ეხ, მეც ვიყავ სიყვარულის მგოსანი ზეციერი!—
მაგრამ მეც დამარწმუნეს ქვეყნის ამოცებას:
რომ მარტოდენ გატაცება არსებობს წუთიერი!..

მაშ რას ელი? სულო ჩემო, შეხტი, შეინავარდე...
შეგიძლიან ყველას კარებს დაჰკრა, დაუკაკუნო!..
არ არსებობს წმინდა გული—მაშ ვის უნდა უყვარდე?!
არ არსებობს სიყვარული მუდმივი, საუკუნო.

ი. გრიშაშვილი.

კ ლ ი

სალამოა. სიო ნელი მღერს სიმღერას იღუმალსა, ძილს ეძლევა მინდორ-ველი და სოფელიც ხუჭავს თვალსა, მწუხრად კვნესის მწუხრის ზარი, სადღაც მწირის ლოცვა ღნება, — ცით ამური ტანჯულ მიწას ტრფობის ზღაპარს ეუბნება.

ახლად აფოთლილ ცაცხვის ძირში, სად სიჩუმეს განაბულსა უუქს ესვრიან მზის ყვავილნი მარგალიტით დანამულსა, სავსე ციურ მშვენებითა, მხრებზე გიშრის თმა-ნაშალი, ტყის უფსკრულით გამოქრილი, წვეს მწვანეზე ტურფა ქალი!

სდუმს ყოველი. ისმის მხოლოდ ბუღბუღისა სტვენა ტკბილი, სძინავს ტყის-ქალს და სახეზე დასთამაშებს ცის ღიმილი, თითქოს დელავს ბროლის მკერდი, შუქი მისი ისე კრთება, დასცქერს მთვარე და იღუმალ სიყვარულით იწვის, ღნება!

აგერ, ვილაც იმ ცაცხვისკენ მიდის ჩუმად, ფეხ-აკრეფით, ესწრაფება სატრფოს ნახვას და საბრალო ტოკავს შვებით, მიაღწია... ტყის ასული საყვარელი მას ეგონა, დაიხარა და უსიტყვოდ ფიქალ მკერდზე დაეკონა.

შეკრთა ქალი; მაგრამ უცბად იგრძნო რაღაც ნება ტკბილი. ბაგე ისევ გაუწოდა, მოხვია მკლავ-გაშლილი, ყელით ყელსა გადაექლო, წუთით სუნთქვა გაიყინა, და თრთოლაში ნეტარების საუკუნოდ დაიძინა.

აღგა ვაჟი. დააქერდა და რა სატრფო ჰპოვა მკვდარი, თმა-წვერს ეცა, დაიგრძნო მწუხარებით განამწარი. და ტრფალის დასაწევით გულს ჩაიცა მან ხანჯალი... ღამე სდუმდა. ქარს მიჰქონდა სიყვარულის სამართალი!

6. ჩიკვაძე.

გაიბეგება

(კ. ჰამსუნისა).

ძვირფასო მკითხველო, სასაფლაოზე შეგხვდი ამ ადამიანს, არაფრით არ მიგრძნობინებია, რომ მისი გაცნობა მწაბდა. მხოლოდ მის გვერდით ჩამოვჯექი სკამზე და ვკითხე:

— ხელს ხომ არ შეგიშლით?

— სრულებით არა! ვზივარ და ვუცქერ ამ მკვდარ თანხას მიპასუხა მან და ხელი მიმითითა საფლავებზე.

ღილა იყო. რაც დრო გადიოდა სასაფლაო უფრო ცოცხლდებოდა; მოდიოდნენ: მუშები, კალატოზები. მოხუცებული დარაჯი უკვე დაჯდა საყარაულოში და გაზეთების კითხვა იწყა. აქა-იქ მოსჩანდნენ ქალები, ზოგი ყვავილებსა რგავდა, ზოგი რწყავდა, ან სთიბავდა მაღალ ბალახებს. ხშირ ფოთლიან წაბლის ხეებზე ფრინველები ეჯიჟებდნენ.

ამ კაცს სრულიად ვერ ვიცნობდი, ის იყო ახალგაზდა, მაღალ-მაღალი, ტანთ ეცვა ოდნავ დაცვეთილი ტანთსაცმელი. შუბლზე ნაოქები აჩნდა, თვალთა იღუმალი გამომეტყველება და ღრმა ხმა მოხუცებულ და გამოცდილ ადამიანს ამსგავსებდა.

— ადგილობრივი მცხოვრები უნდა იყვეთ?

— ცხრა წელიწადია, სამშობლოში არა ვყოფილვარ.

მიეყრდნო სკამის საზურგეს და დაუწყა ცქერა საფლავებს; პალტოს ჯიბიდან უჩანდა ნემენცური და ფრანგული გაზეთები.

— რა სევდის მომგვრელია ასეთ საფლავების ცქერა, რამოდენი მიცვალბული დაუფლავთ ამ პატარა მანძილზე, რამოდენი შრომაა დახარჯული და რა ცოტა ნაყოფი სჩანს, მაგრამ უფრო მაშფოთებს მიცვალბულთადმი თაყვანის ცემა და მათთვის გლოვა ტრილი.

— უსარგებლო ჩვეულებაა.

— შეგიძლიანთ წარმოიდგინოთ რამოდენი სიმდიდრე არის დახარჯული? შლამზე ჰყრიან ძვირფას ყვავილებს, სდგამენ სკამებს, რათა ჩამოსხდნენ და იტირონ, აშენებენ ძეგლებს, რომელზედაც უთვალავ ფულსა ჰხარჯვენ. მთელი ეს სიმდიდრე ხელუხლებელია, საჭიროებს მხოლოდ მოვლას, ცრემლებს, ყვავილებს, რომელნიც იხრწნებიან და სქკნებიან. თვითეული გვირგვინი რამოდენიმე კრონი ღირს.

— სოციალისტია, მშრომელ ხალხის მეგობარი, რომელიც საზღვარ-გარედ ყოფილა წასული და შეუწავლია ბრძოლა კაპიტალიზმის წინააღმდეგ—გავიფიქრე მე.

— არც თქვენა ხართ ადგილობრივი მცხოვრები?

— არა!

— აგერ შეხედეთ?—წარმოსთქვა მან და ერთი თვალის გამომეტყველებით მიიქცია ჩემი ყურადღება. ჰხედავთ აქეთ რომ დედაკაცი მოდის? დააკვირდით, როდესაც ახლოს გაიაროს?

დედაკაცსა ჩვენს ახლოს გაიარა, გვერდით მისდევდა პატარა ბავშვი ყვავილებით, და მოხუცებული დედაკაცი. სამივენი სასაფლაოს ქვემო კუთხისაკენ გაეშურნენ.

— ნუ თუ ვერაფერი შეამჩნიეთ?

— ის დედაკაცი მოგვაცქერდა.

— მაპატიეთ, ის მე მომაცქერდა. თქვენ გეცინებათ. რამდენიმე დღის წინ მან ჩემს გვერდით გაიარა. მე აქ ვიჯექ და მესაფლავეს ვებაასებოდა, მსურდა დამერწმუნებინა, რომ მისი ხელობა პატიოსანი შრომა არ არის.

— რისთვის?

— იმიტომ რომ უნაყოფოდ სთხრის მიწას და ხელიდან აცლის ცოცხალ ადამიანებს, რომელთაც ჰსურთ ამ მიწით იცხოვრონ.

— საბრალო გზა დაკარგული მოაზრე! განა სწერია სამღვთო წერილებში, მიცვალბულთა სხეულს მიწაში არ უნდა მარხდნენო. თავს მახეზრებ!—გავიფიქრე.

— ვეუბნებოდი მესაფლავეს იმ ცოდვებზე, რომელიც ამ წმინდა ადგალს ხდება, იმ დედაკაცმა გაიგონა ჩემი სიტყვები და მომაცქერდა. მართლა, მაქციეთ ყურადღება იმ მოხუც დედაკაცს, რომელიც გვერდით მისდევდა? ეს ის საბრალო არსებაა, რომელმაც თვისი სიცოცხლის საუკეთესო დღენი გაატარა მიწის უნაყოფო თხრასა და შებუღულობაში. დაინახეთ რა მიჰქონდა პატარა ბავშვს?

— ყვავილები.

— თვითეული ყვავილი ერთი კრონი ღირს, ძვირფასი და ნაზი ყვავილებია, ისინი სქკნებიან როგორც კი მზის სხივი დაანათებს. სამი დღის შემდეგ მათ ნაცვლად ახალს მოიტანენ.

— პირამიდები უფრო ძვირი იყო!

— იმ დროს ეს ამოდენად საგრძნობი არ იყო.

ვიცი პირამიდებს უდაბნოში აგებდნენ, პირამიდები სულ სხვაა და მორთული საფლავები სულ სხვა. შეხედეთ ამ თვალავ მოაჯირებს, ძეგლებს, არას ვიტყვი წარწერებზე, ამ საუცხოვო მრავალ ფეროვნებაზე, არა, შეხედეთ მხოლოდ მოაჯირთ. მე ამ საგანზე ვებაასებოდი მესაფლავეს, მოთხოვნილება ბევრია, და ძეგლიც მეტად ძვირია.

რას წარმოადგენს ძეგლი? ეს თვით ცხოვრებაა. შევნიშნე! რომ თვით ამ ცხოვრებას არ შეიძლება წავართოთ იდეალური მისწრაფება, იმ მოვლენას, რომ ადამიანები ამკობენ ძეგლით მიცვალბულთა საფლავს რამოდენიმე თთიური მნიშვნელობა აქვს.

— ჰხედავთ? ამ სიმდიდრით, რომელიც ყოველ დღეურად იხარჯება სასაფლაოზე შესაძლოა ვასაზრდოთ რამდენიმე ღარიბი ოჯახი, აღვზარდოთ ღატაკი ბავშვები; მე ვიცნობ ამ ახალგაზდა დედაკაცს, რომელიც რგავს კამილიის ყვავილებს, რომელის ღირებულება უდრის ორ ბავშვის ტანთსაცმელს.

ყოველ ექვს გარეშეა, რომ სოციალისტი იყო და შესაძლოა ანარქისტიც, რომელიც ერთობა იის, რომ გონებას სერიოზულ კითხვებით იტვირთავს.

— აი, იქ დარაჯი ზის. თქვენ იცით, გაზეთების კითხვის გარდა, სხვა რა საქმე აქვს? მან სასაფლაოს უნდა უდარაჯოს. მიცვალბულთა შორის წესიერების დაქვევლია. დღეს უთხარ იმ დარაჯს: თუ დავინახე ბავშვი რომელიც ყვავილებს იპარავს საფლავზე რომ შემდეგ გაჰყიდოს და მით შიმშილს თავი დააღწიოს, არა თუ დაუშლი დავეხმარები კიდევ მეთქი. ჩემის აზრით ეს ცოდო არისო!—მიპასუხა მან. წარმოიდგინეთ, მშინერი ღატაკი გეკითხებათ: „რომელი საათია“? თქვენ იღებთ საათს, ის გტაცებთ ხელიდან და გარბის. დაგრჩენიათ ორი გზა: შეგიძლიანთ განაცხადოთ საათი ორი დღის შემდეგ დაგიბრუნდებთ, ის დაზღვევებული იქნება, შემდეგ ბოროტ-მომქედნაც მოსძებნიან. მეორე გზა—სრულებით არაფერი არა განაცხადოთ რა, არავის არაფერი გაუხილოთ... ძრიელ დავიქანცე რადგან წუხელ ცუდად მეძინა. ავდექ და წასასვლელად მოვემზადე, მან თითი გაიშვირა ზღვისაკენ.

— მე დავდიოდი იქ ნავთსადგურის ახლოს, მსურდა დამენახა სძინავს თუ არა ღამით ცოდვასა და საჭიროებას. დრო

გალკანეთის ომის გამო.


სტოიან დანევი,
(ბულგარეთი).

ვენისელოსი,
(საბერძნეთი).

სტოიან ნოვაკოვიჩი,
(სერბია).

მუსტაფა რეშიდ-ფაშა,
(ოსმალეთი).

ლაზარე მიუშკოვიჩი,
(ჩერნოგორია).



სამშვიდობო კონფერენციის თავმჯდომარენი:

გამოშვებით საკვირველ საგანს შეხვდებით. მისმინეთ! ცხრა წლის წინად, ერთხელ საღამოს ჟამს ვიჯექ ამ ადგილს, ვგონებ ამ სკამზე, მოხდა არაჩვეულებრივი რაპი, რაც დღევანდლამდე ვერ დამაიწყებდა. საკმაოდ შეღამდა. სასაფლაოზე მყოფნი წაიღინნ თავიანთ სახლებში. ამოვარდა ძრიელი ქარი-შხალი... შევიბნინე პალტო და წასვლა დავაპირე. ამ დროს ჩემს წინ გაიბრინა მესაფლავემ.

- პატარა გოგოს ხელში ჩანთით ხომ არ გამოუვლია?
- არ შემინიშნავს! რა მოხდა?
- ყვავილები მოიპარა..
- როდესაც კვლავ გამოიარა შევეკითხე:
- იპოვეთ ბავშვი?
- არა! მაგრამ კარები ჩავეკეტე.

ბავშვი უთუოდ სასაფლაოზე დაიშალა. საქმე სერიოზულ სახეს ღებულობდა, ამ დღეს მესამე მაგალითი იყო ყვავილების მოპარვისა. იპარავდნენ სკოლაში მოსიარულე პატარა ბავშვები. როგორ მოგწონთ? აკეთებენ თარგულსა და ჰყიდიან. ჩინებული ბავშვები არიან. მე წავყევე მესაფლავეს ბავშვის საძებრად, დარაჯიც წავიყვანეთ. შეღამდა ბავშვი კი ვერ ვიპოვეთ.

- სად არის ის საფლავე, საიდანაც ყვავილები მოიპარეს?
- აი იქ, ბავშვის საფლავეა.
- ვიცან ის საფლავე; დღეს დილით მივებარეთ ამ ცივს სამარეს პატარა გოგო; ჩემი მიტანილი ყვავილები მოეპარათ.
- კვლავ ვეძიოთ. ეს საშინელება..

უეცრად თვალი მოვკარ პატარა გოგოს, მოკრუნხულიყო, კისერი გამოეწვდინა და მომჩერებოდა.

- ვიცან, ის მიცვალეული ბავშვის და იყო.
- საყვარელო ბავშვო, რათა ზიხარ აქ ამ დროს? იცი ვილაც ბოროტ ბავშვს მოუპარავს ყვავილები პანნას საფლავეზე. ხომ არ დაგინახავს? ჩვენ ვიპოვეთ მას. წამოდი სახლში, პანნა უთუოდ სწუხს რომ შენ მის გულისთვის ზიხარ აქ.
- აი ის, ქურდი—წამოიძახა მესაფლავემ.
- რას ამბობთ? თქვენ სცდებით, ეს ქურდი არ არის ეს უნცროსი და არის მისი, რომელიც დღეს დავასაფლავეთ, ამას ელინა ჰქვია.

მესაფლავე თავისას არ იშლიდა, დარაჯმაც იცნო ის, მას მოეპარა ყვავილები დის საფლავიდან, საბრალოდ სიტყვის თქმაც ვერ შესძლო თავის გასამართლებლად.

დიდი ხანია ვიცნობდი ორივე დებს, ერთს ეზოში ვცხოვრობდით, ხშირად თამაშობდნენ ჩემ ფანჯრის წინ. დედა მათი არ იყო პატიოსანი დედაკაცი და იმპიათად იმყოფებოდა სახლში. მამებს ისინი ვერა სცნობდნენ. ისეთ პატარა სენაკში სცხოვრობდნენ ეს ბავშვები რომ ამ საფლავის ლოდის სიგრძე სიგანეს ძლივს უდრიდა. პანნა ორი წლით უმფროსი იყო დრო გამოშვებით უმფროსივით იცოდა მსჯელობა. ხან და ხან გაკვეთილებსაც კი ასწავლიდა დას. პანნა წლოვანებაზე შეუფერებელი და სერიოზული ბავშვი იყო და დიდხანს ვერ იცოცხლა ამ ქვეყნად...

მესაფლავემ პოლიციაში წაიყვანა, მეც გავყევე. ელინას გამოჰკითხეს, მაგრამ ვერავითარი პასუხი ვერ მიიღეს. მას შემდეგ აღარ მინახავს; რადგან ცხრა წლის განმავლობაში წასული ვიყავ. ეხლა კვლავ დაწვრილებით შევიტყე: ჩვენ საშინელი დანაშაულება ჩავიდინეთ იმ დროს, მას ის ყვავილები არ მოუპარავს; მაგრამ თუნდაც მოეპაროს, მე ვიტყვი რად არ უნდა მოეპარა?

იცი, ვნახე ელინა და თუ მოისურვებთ, შემიძლიან თქვენც მიგიყვანოთ მასთან.

თუ შეგიძლიანთ გაიგოთ რასაც ეხლა ვამბობ მისმინეთ! დიან—ამბობს ავადმყოფი გოგო, როდესაც მოვკვდები უთუოდ მოიტანენ ყვავილს, მასწავლებელი თაიგულს გამოგზავნის კეთილმა ქალმა ბენდიშმა შესაძლოა გვირგვინიც გამოგზავნოს. ავადმყოფი გოგო მსჯელობს, როგორც მოზრდილი თავის წლოვანებასთან შედარებით განვითარებულია ავადმყოფობამ უფრო გააფაჩა მისი გონება. როდესაც ის მსჯელობს ელინა უსმენს და ჰსურს გაიგოს მისი ნაამბობი.

— მაგრამ ყვავილები დასქენებთან, მქენარი ყვავილები რად მინდა საფლავეზე. გახსოვს ელინა ფესსაცმელები, რომელიც ჩვენ დავინახეთ სავაქრო ღუქანში? წაილე ყვავილები და გაჰყიდე; კვირაობით ბევრი ხალხი დასეირნობს, უთუოდ იყიდინა.

- უმჯობესი არ არის ქუდი ვაყილო?
- ჯერ ფესსაცმელები, თუ ფული მოგრჩეს იყიდე ქუდი—ასე გადასწყვიტეს მათ.

— რამდენი წლის იქნებოდა ავადმყოფი? თორმეტისა, მაგრამ წლოვანებას რა მნიშვნელობა აქვს. ჩემმა პატარა დამ ძრიელ კარგად იცოდა ბერძნული კითხვა... ელინა დასაჯეს, პოლიციაში წაიშინეს, მასწავლებელმაც მიიღო მონაწილეობა, გაკვეთილის შემდეგ მიიხმობდა ელინას და მოფერებით ასმენდა მას, თუ რა დანაშაულობა ჩადინა და მოითხოვდა რომ ელოცა, შეჰვედრებოდა ღმერთს, ცოდვები ებატოვებინა.

ელინას ხასიათი გამოეცვალა: ჰგონობს, ექვი აქვთ ყოველგვარ სიტუდეში, იცის თვალ-ყურს ადევნებენ და სცდილობს დამალოს თვალითა ხედვას მასწავლებლისას. მოახლოვდა დღე მისი პირველი ზიარებისა. მოძღვარი უკითხავს მას მთელ ქადაგებას მერვე მცნებაზე. ყველას განსაკუთრებით წარმოდგენა აქვს ელინას მომავალზე.

ერთს მშვენიერადღეს ის სამუდამოდ მიდის სახ ამ ღამეს კვლავ ვიხილე ის. კარებში იდგა, რაღაც წამჩურჩულა, არ შემეძლო არ მეცნო, მახსოვდა მისი ხმა.

- შემოდით, მე ვარ.
- როგორ გაზრდილხართ ელინა?
- გაზრდილვარ? რა უგუნურებაა! დრო არა მაქვს ლაზლანდრობისა, თუ არ გსურთ შემოსვლა ნუ სდგენხართ აქ, სხვის ნუ აბრკოლებთ
- ვუთხარ ჩემი სახელი, მოვავიციე ძველი ეზო, პატარა პანნა, მოვავიციე ყოველივე რაც ვიცოდი—შევიდეთ შინ და ცოტა ხნით ვილაპარაკოთ!

- არაფერი დავლიოთ?
- აი რა გამოვიდა შემდეგ ელინასაგან.—ეხლა რომ პანნა იყვეს ჩვენთან რამოდენს ვისაუბრებდით.
- რა სისულელეს ლაყობთ! ხომ არ შეშლილხართ?
- ნუ თუ აღარ გახსოვს პანნა!
- პანნა! პანნა! ბავშვია თუ? ყოველივე ეს წარსულს ეკუთვნის, კიდევ ღირს მათე ფაქტი? რა უგუნურებაა. მოვატანილო სასმელი?
- როგორც გსურთ?
- ადგა... მეორე ოთახიდან ხმაურობა, ლანძღვა-გინება ისმოდა, უბრძანა მოსამსახურეს, მოპარუნდა პაპიროზი მოსწია და მოიწადინა ჩემს მუხლზე დაჯდომა.
- რად არა გსურს შენს მუხლზე ჩამოვჯდე?

— ასეთი გრძობით არ მოვსულვარ აქ. მაშ, გაღიხადეთ ღვინის ფული და მიბრძანდით.

— ვისაუბროთ, სასყიდელს მოგართმევ, რა გენაღვლება, დროს ხომ არ დაჰკარგავთ? მივეცი ფული, არ მახსოვს რამდენი, მაგრამ ეს საკმაო თანხა იყო. როდესაც ვკითხავდი რასმე, სიმღერას დაიწყებდა და პაპიროზს აბოლებდა.

— შეიძლება მოსამსახურეს დავაღვივებო ღვინო?
— რატომ არა!

უნდა გითხრათ, რომ ის დედა ჩემია. მე ვუშოვე ეს ადგილი, აქ მწვენიერი საზრდო აქვს.

გაიტანა ღვინო, დერეფანში და მალე დაბრუნდა.

— შენი სადღეგრძელო იყოს, ძველო მეგობარო.

— ნუ თუ არ მოგწყინდათ აქ ცხოვრება?

— მომწყინდა? არა! რად არ მაძლევ ნებას ჩამოვჯდე შენს მუხლებზე?

— დიდი ხანია აქას ცხოვრობთ?

— სიმართლე გითხრა, აღარ მახსოვს, განა სულ ერთი არ არის? შენი სადღეგრძელო იყოს.

დაიწყა სიმღერა რაღაც სულელურ და უაზრო რომანსისა.

— სად ისწავლევ ეგ სიმღერა?

— ტიკოლში.

— ხშირად დაიარები იქ?

— ხშირად! როდესაც ფული მაქვს. დღეს დიასახლისი მოვიდა ფულზე, ის ბევრ ფულს თხოულობს ჩვენგან, არაფერი გვრჩება, იქნება შენ მომცე ფული?

კიდევ მივეცი ფული, მადლობის ღირსიც არ გამხადა, კიდევ მომთხოვა ღვინო, უთუოდ ჩემში ჰხედავდა ისეთ ადამიანს, რომლიდანაც რაც შეიძლება ყველაფერი უნდა წაიღო. ჩემზე თავის მოწონება მოინდომა, დაუძახა ორ მეძავე ქალს, დაიწყეს სმა. ელინამ გააცნო მათ ჩემი თავი, უთხრა რომ ბევრი ფული მივეცი და სხვა.

ხვამდნენ ღვინოს და მხიარულობდნენ, სცდილობდნენ, ერთმანეთის დაჩრდილვას, მღეროდნენ. ელინამ შენიშნა, მე მათ ვცხაუბრებოდი და გაჯავრდა, აიღო თვისი მოსახურავი და წასვლა მოიწადინა.

— თქვენ მიბრძანებდით?

— არ მიპასუხა, რაღაცას მღეროდა თან ქულს იხურავდა. გააღო კარები და დედას დაუძახა.

— გინა! ის მოვიდა და კარებში შეჩერდა, შენ ყოველ დღე უნდა გაასუფთაო შეკაფი, ეს რა უწყესრიგობაა არ გაბეღო შემდეგ.

— კარგი. წავიდა და წყნარად მიხურა კარები.

— გადაიხადეთ ღვინის ფული და მიბრძანდით.

— ე მოგეცით ღვინის ფული, მაგრამ შესაძლოა მაქვს კიდევ—დავიწყე ჯიბეში ფულის ძებნა.

— აი მდიდარი? ელინამ ბევრი ფული აიღო და მას აღარა დარჩენია რა. ხა! ხა! ხა!

— გაეთრიეთ აქედან, არ მსურს აქ იყვეთ. შეხედეთ რამოდენი ფული მომცა, მან ღვინის ფულიც გადაიხადა მეც ბევრი ფული მომცა, შეხედეთ! თქვენ სიცოცხლეში თვალითაც არ გენახვებათ ერთად ამოდენა ფული. ეხლა ორი თვის ფული მივცე წინა-წინ დიასახლისს; მე ვხუმრობდი ამის გასაჯავრებლად, გაეთრიეთ აქედან...

მე არა მსურს მათი აქ დარჩენა, საზიზღარი ქალებია. მათთან მე საერთო არაფერი მაქვს... განა ვერ შეამჩნიე? ისინი საზიზღრები არიან.

— ვერ შეამჩნიე. პასუხს მაძლევდნენ კითხვაზე, თავგადასავალს მიამბობდნენ: ჩინებული ქალები არიან.

— მაშ, შენც შეგიძლიან გაეთრიო აქედან, წადი მათთან, რაკი ისინი მოგწონს.

— მე მსურდა ერთი რამ მეკითხა.

— ჩემთვის? არაფერი საერთო მაქვს შენთან უთუოდ პანაზე გსურს მკითხო! ამ უგუნურ ყბედობას მოთმინებიდან გამოვეყვარ, ამით უმჯობესობა არ შემჩნევა.

— ნუ თუ არ შეგიძლიანთ თავი დაანებოთ ამ გვარ ცხოვრებას. დაეხსენით ამ გახრწნილ ცხოვრებას.

— რისთვის! სად წავიდე, ვინ შემიერთავს ცოლად, ვის სურს ეგეთი როგორიც მე ვარ.

— სცადეთ სოფელში წასვლა პატიოსანი ცხოვრება.

— უგუნურება! დადუმდი. მე აქაც მშვენივრად ვცხოვრობ. მოატანინე კიდევ ღვინო ჩვენ დავრჩეთ აქ მარტონი. გინა!

მეტი გამოკითხვა შეუძლებელი იყო. ერთს გონიერ სიტყვასაც ვერ გაიგონებდი მისგან, სულ მღეროდა, დაოფრა, განუწყვეტლივ მთხოვდა მუხლებზე დამესვა.

— დარჩებით ამაღამ?

— არა.

— მაშ ქუჩაში წავალ მე...

როგორ მოიქცეოდით ჩემს ადგილს რომ ყოფილიყავით? დარჩებოდით? იცით რა გადავსწყვიტე?

დავრჩი მასთან!

— დარჩით მთელი ღამე იმ ქალთან?

— მე გახრწნილი, სულმდაბალი ადამიანი ვარ.

— ღმერთო ჩემო, რას ფიქრობდით, მთვრალი იყავით?

— დიახ, ბოლოს დავითვერ, მაგრამ ეს საყურადღებო არ არის, მე სხვა ადამიანებზე გახრწნილი არა ვარ, მე ვიცოდი იმ ქალის შემადრწუნებელი და აღმაშფოთებელი ისტორია, და მე რაღაც სიამოვნება ვიპოვე ჩემს გახრწნილებაში. დავრჩი, და რა უსიარცხვობის მორავში ჩავიძირეთ ჩვენ! ეხლა კიდევ მსურს წავიდე მასთან, მე ვფიქრობ კიდევ შეიძლება მაზე კეთილ გავლენის მოხდენა.

უთუოდ ფიქრობთ, რომ ასეთ საქმისთვის არ ვარგვივარ. მაგრამ შესაძლოა არც ისეთი ცუდი ადამიანი ვიყვე, როგორცა გგონივარ, თქვენ მხოლოდ მაზე ფიქრობთ რად დავრჩი მასთან მთელი ღამე, მაგრამ იქონიეთ მხედველობაში ჩემს მაგივრად სხვა დარჩებოდა მასთან და ის ამით მხოლოდ იზარალებდა.

მხოლოდ ფიქრი რომ ის დაეცა და გაიხრწნა რაღაც უმნიშვნელო ყვავილების გამო სასოწარკვეთილებაში მაგდებს. აკრძალული რომ არ ყოფილიყო სასაფლაოდან ყვავილების წაღება ის დღესაც პატიოსანი დედაკაცი იქნებოდა და მე წილი მიდევს მის გაუპატიურებაში, მის დაღუპვაში.

თავი ჩააქნია და ღრმად ჩაფიქრდა.

— მე თქვენც შეგაჩერეთ, მეც დაღლილობასა ვგრძობ, ნეტავ რა ღროა ეხლა?

მსურდა საათში ჩამეხედა, მაგრამ საათი ჯიბეში არა მქონდა, ალბად შინ თუ დამჩნა.

— გამადლობთ! შეხედეთ ის დედაკაცი ბრუნდება. მწუხარებასაცა აქვს განსაზღვრული დრო, ბავშვს ყვავილები აღარ მაქვს, საფლავზე დასტოვებდა, ოთხი დღის შემდეგ ისინი დასკვნება, და რომელიმე ბავშვმა რომ მოიწადინოს მისი მოპარვა და გაყიდვა, დამნაშავედ არ ჩავთვლი—სთქვა ეს სიტყვები და მთელი წუთის განმავლობაში დაუინებით მომაკქერდა შემდეგ გადაიხარხარა.

— აი როგორ ისტორიებს გიამბობთ? გულწრფელ მადლობას გწირავ, დიდათ პატივცემულო მსმენელო.

ქული მოიხადა გამომესალმა და წავიდა.

დავრჩი გამოურკვეველ ფიქრებით მოცული. ამ კაცმა დიდი შთაბეჭდილება მოახდინა ჩემზე, სალი გონება დამიბნე-ლა. რა უგუნური ვირია, ღამე გაატარა როსკიპ ქალთან გახრწნილი! იცრუა, ყოველი სიტყვა სიცრუე იყო. ნეტავ ვინ იყო ეს გაიძვერა თუ კიდევ შევხვდი უთუოდ შეურაცყოფას მივაყენებ. საღაც წაუკითხავს ეს ამბავი, გაუზვირებ-ბია და მიამბო თითქოს თითონ ყოფილიყოს ამ ამბების მოწმე. სიმართლე ვსთქვათ კარგი კი იყო, ის კაცი ნიქს არ არის მოკლებული, ხა! ხა! ხა!

მიველ სახლში რაღაც დაღონებული. საათი მაგიდაზე არ იყო. თავში ხელი შემოვიკარ. ჩემი საათი მან მომპარა, უთუოდ მან, დიახ!

მშვენივრად მოხერხებული ბოროტ-მოქმედება? ორი გზა დარჩა: შემეძლო განმეცხადებინა და ორი დღის შემდეგ მეპოვნა, ჩემი საათი რომელიმე ვაჭართან იქნებოდა დავირავე-ბული. შემდეგ თვით ქურდსაც იპოვინდნენ. მეორე გზა კი იყო, არ განმეცხადებინა, არ გამემხილა.

მეც ეს გზა ვარჩიე.

მის. ბოჭორიშვილი.

